

Ernestus Gottlob Bose ... Panegyryn medicam ... indicit et de hepate rupto disserit / [Ernst Gottlob Bose].

Contributors

Bose, Ernst Gottlob, 1723-1788.
Universität Leipzig (1409-1953)

Publication/Creation

Lipsiae : Ex Officina Jacobaeeria, 1776]

Persistent URL

<https://wellcomecollection.org/works/y75d79zd>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

ORDINIS MEDICORVM
IN VNIVERSITATE LIPSICA

H. T.

PROCANCELLARIVS
D. ERNESTVS GOTTLOB
B O S E

ANAT. ET CHIRVRG. P. P. O. FACVLT. MED. ADSESSOR
ET APVD LIPSICOS POLIATER

PANEGYRIN MEDICAM

AD DIEM II. AVGVSTI MDCCLXXVI.

INDICIT

ET

DE HEPATE RVPTO

DISSERIT.

ORDINIS MEDICORUM
IN UNIVERSITATE LIBERICA

PROCANCELLARIUS
D. ERNESTVS GOTTLOB
BOSE

ANAT. ET CHIRURG. P. R. FACULT. MED. PROFESSOR
ET ALIO MUSEO TOPIA

PANEGYRICI MEDICAM
AD DIEM IN AVGVSTI MCCCXXXV
INDICIT

DE HERATHE RYTTO
Dissert.

111

Quum sapientissimus naturae auctor singulis corporis nostri partibus, etiam minimis, eas dederit dotes, quibus idoneae ad suas obeundas functiones reddantur: talem simul concessit virtutem, quae ex cohaesione partium et varii generis fluidorum influxu prouenit, vt hac integra vbiuis communis sit ad vnum finem consequendum conspiratio. Si vero illa vis, quam tonum appellant, in variis licet partibus locisque ex propria indole aetatis, sexus aliarumque conditionum differens habeatur, ita fuerit labefactata, vt decenti amplius modo nequeat agere, tunc *ἀτονία* dicitur fieri. Hic morbosus, quem in vtero declarauit Cl. Candidatus, status ad alias aequae partes refertur, cuius quidem non infrequentia occurrunt, in facienda medicina occupatis, exempla. Nec hepati quidem ille denegari poterit, quod ex adeo multa vasorum diuersi generis propagine constructum est, vt summa anatomicorum industria interiorum eius fabricam sufficienter extricare nondum potuerit, tam variis etiam membranis connectentibus et inuestientibus retinetur, vt in his, quae per naturam inest, vis atque fortitudo varia existat. Hanc intemperiem perfractam intimae cohaesionis vim in solido appellat BIANCHI^{a)}, variam cohaesionis debilitatem, variam affectionis causam esse adserens. Inde vero laxitas quaedam enascitur iam dictarum partium, tum vasorum, parenchyma, vt veteres vocabant, interius constituentium, tum etiam ligamentorum, exteriorem ambitum firmantium. Haec autem praeter naturam dilatata egregiam herniis hepaticis suggerunt opportunitatem, quibus tum, quae hepati supposita sunt viscera, molestas et noxias perferre coguntur compressiones, tum etiam visceris ad superiora, incongruo modo appulsus et situs peruersus producit. Illa e contrario vasa, facile, vt omnibus solenne est, ob quiescentes, aut intus contentos, minus accurate motos

A 2

succos

a) Hist. hepatic. P. II. Cap. II. §. III.

succos, obstructionibus vexantur, hinc scirrhus aut indurationes perferunt, ac tandem omnia inde prouenientia morborum genera experiuntur, inflammationis nempe vel aliquando abscessus. Nec non solet ad hunc locum vix satis dilucidandus fieri accessus, ex aliis nimirum locis huc quasi deriuatus, vt in iis obseruamus, quibus caput laesum esse deprehenditur. Saepissime tamen, recte intuentibus patet, harum caussarum, morbos inducentium, actionem non subitaneo nocere impetu, sed lento tantum modo inuadere, vt primordia vix signis sufficientibus, sed incrementum tantum earum in perturbatis actionibus dignoscatur. Quare miseros sensim necare solent, artis tamen efficaciam sic respuunt, vt ad morbum tollendum vel leniendum, vel, si aliter fieri nequeat, trahendum, spes amplius non superfit. Relinquimus autem rite trutinandam horum morborum naturam iis, quibus curae cordique est, pro eo, quod medico incumbit, officio, succurrendi aegris, omne in efficaciori medicina studium. Nos enim nunc tantum singularem, in caussa graui et violenta actionem rimabimur, quae celeriter agit et fortiter, quae internae substantiae hepatis citam aliquam producit destructionem, quae omnem sere medicationem adhibendam excludit, et insuperabilis mortis caussa existit. Non negamus quidem effectus causae agentis semper cum eius comparari debere vehementia, eaque propter gradus etiam diuersos et inde deriuandam esse medicationis facultatem aut *ἀδυναμίαν*, hinc non omnes hepatis laesiones ad eas pertinere, quae lethales sint: sed simul diffiteri non possumus, omnem morbum, qui substantiam illius visceris aggredditur, multum difficultatis secum habere. Leuiiores scilicet lateris dextri contusiones, sanguinis stasin et hepatidem producere valent, in apostema, si non discutatur, abituram, rarius tamen, vel ex leui eiusmodi caussa, ob facile cedentem ventris mollitiem, vel ex interno malo ruptura eueniet, si vnquam vera eiusmodi obseruata fuerit.

Per rupturam autem, quam nominamus, non vasorum, quae diximus multa esse, sanguiferorum anastomofin aut diaeresin intelligimus: haec quidem, nisi magnos vasorum truncos disruptos esse velimus, haemorrhagiam facient, at sponte compescendam, sed ipsius substantiae dilacerationem volumus, quae utique impetuosam aliquam causam praegressam praesupponit. MORGAGNIUS^{b)} varias adducit observationes, quibus ob effusiones sanguinis ex vasis epiploicis aliisque ruptis subito mortem consecutam fuisse constitit, nullibi tamen nos legisse meminimus, vasa hepatis sola rupta inuenta fuisse, sine eo, quod substantia eius simul fuerit destructionem passa. Minime enim huc pertinere videtur SENNERTI ex DODONAEOb) observatio^{c)}, qui in melancholico, inedia pene enecato hepatis nigricans et sphacelo tactum reperit, tunc enim integra erat, et sub mortis demum accessu per corruptos succos deprauata iecinoris massa: nec SCHRECKII^{d)} exemplum, ubi pariter in homine, omni atrae bilis cruciatu conquassato, vehementissimisque conuulsivis motibus ita agitato, ut violentas sibi inferret manus, hepatis cum vicinis partibus arctissime coalitum et putredinosa corruptione adfectum reperiiebatur, ut in auersa eius facie prope vesiculae felleae adhaesionem duo vulnera conspicerentur seu fissurae. Is enim ita vulnerum naturam describit, ut *a caustico quasi corrosa* visa sint, quod quidem, ni fallimur longi morbi antecedentis et inde dependentis cacochymiae summae indicia praebet. Siquidem non infrequens sit, pertinaces chronicos morbos interna saepe viscera inuadere, obstruere atque, tandem tota virtute vitali deficiente, corrumpere.

A 3

Quae

b) De sedib. et causis morbor. Lib. IV. epist. LIV. art. 14. p. 129. ed. Lugd. Batav.

c) Pract. Medic. Lib. III. P. VI. Sect. I. cap. 8.

d) Commerc. litterar. Norimb. Ao. 1740. p. 162.

Quae, quum ita sint, nos ad mutationes eas tantum respiciamus, quae ex applicata quadam iniuria externa consequuntur, et hepar, antea sanum et integrum subitaneo periculo destruunt. Non possumus tamen non, quin eorum etiam periculorum varios effectus esse affirmemus, qui nimirum vel vicinas hepatis partes simul cum externis afficiant, et simili ratione utrasque laedant, vel, quod magis mirum est, intactis quasi externis et vicinis locis solum hoc viscus aggrediantur. Etenim noxa, integro adhuc corpori illata prius externam afficere cogeretur superficiem, quam internam, ut ex illa demum fracti iam impetus videatur penetrare violentia. Et si quoque fulminis ea deprehenditur sequela, quae interius corpus laceat, nec vestigia quidem externa relinquat, longe alia tamen subtilissimae materiae virtus est, quam quae possit cum virtute, crassioris corporis laedentis comparari. Nec molli-
 tiem externorum integumentorum cutaneorum accusare licet, quippe quae in omni pene abdominis ambitu eadem sint, quum pariter ex multis constet observationibus, percusso abdomine, lienem tamen citius ac hepar findi, vis externa quamvis toti anteriori abdomini fuerit applicata. Cuius quidem euentus copiosae sunt animaduersiones, quarum farraginem MORGAGNIUS ^{e)} adducit. Ex multis vnicum liceat ex HOFFMANNO ^{f)} adnotare, viri, inuerso rostro percussi, in quo lien, ad infimas costas spurias elongatus, discissus fuerat, ut recte in liene frequentiores euenire rupturas PLATNERUS ^{g)} iudicauerit. Deinde, si contigerit etiam, ut hepar ex iis conditionibus rumpatur, tunc etiam in euentu diuersitas inuenitur. Pleraque ex eiusmodi vulneribus breui vitam adimunt, aliqua tamen lentiori gradu mortem producant, vel, si ictus aut nocens causa mitior fuerit, lenta morte tandem aegrum consumunt.

e) Lib. cit.

f) Med. ration. System. T. III, Sect. I. cap. VII. §. XXXV.

g) Instit. Chirurg. §. 716.

sumunt^{h)}. Quam scilicet animadversionem in foro quoque attendendam esse arbitramur, siquidem is mihi videatur aequè alterum occidisse, qui lentae et necessariae mortis auctor existit ac is, qui cito interfecerit.

Perpendamus autem varia exempla, haec momenta curatius comprobantia, ex quibus illa quae certiora et tutiora inuenimusⁱ⁾ nunc tantum recensebimus, atque nouo quodam, a nobis obseruato, confirmabimus. Recenset nimirum BIANCHI casum^{k)} quem a ROSINO LENTILIO acceperat, rustici ebrii, in via mortui inuenti, cuius abdomen dissectum, sanguine effuso plenum, hepatis vero lobus superior, quo ventriculus contegit, in duas partes horizontaliter quasi cultro diuisus deprehendebatur. Rupta simul erat vena portarum et mortem protinus induxerat. Turgebat autem in illo viro ventriculus adeo, vt propter nimiam commestorum farciminum copiam vix digito potuerit comprimi, vnde causam disrupti iecinoris BIANCHI deriuat GARENGEOT^{l)} porro duo exempla habet eorum, qui a laeso hepate breui post tempore perierunt, alterum quidem viri, cuius abdomen currus peruadebat valde onustus, nullo contusionis aut excoriationis externae signo praesente, renem dextrum et magnum hepatis lobum habebat plane disruptum; hic vero secunda iam post acceptam plagam hora diem obierat: alterum feminae, quae eadem pene calamitate a curru laesa, magnaue sanguinis quantitate in ventrem effusa, subito peribat, quod minor hepatis lobus ita esset abruptus, vt sinistrum hypochondrium ad lienem vsque occuparet. Idemque vidimus nosmet ipsi tristi illo, quo tota Saxonia opprimebatur, belli tempore. Miles enim, rota currus, globulis plum-

h) PLATNERVS loc. cit. §. 717.

i) Nolumus quidem aliis fidem denegare, et MORGAGNIUM l. c. qui plurium mentionem fecit, adire consulimus, sed haec ad corroborandam sententiam sufficere confidimus.

k) Hist. hepat. l. c. §. VI.

l) Vid. Memoires de l'Acad. Roy. de Chirurgie To. II, p. 117. Ed. Paris in 4.

plumbeis puluereque pyrio grauissimi, per superiorem ventris partem traiecta, succubuit ocysime, hepate per medium fere fisso inuento. Quo referenda quoque esse videtur LANZONI obseruatio, quam MORGAGNIUS adducit ^{m)} qui pugno ad iecur violenter percussus, a ruptura vasorum in hepate, mox ab ictu in terram prolapsus, misere dicitur exspirasse. Idem praeter ea MORGAGNIUS pueri nouenni's meminit, qui sub currum cadens, rota super ventrem acta, nullum in ventre dolorem sentiebat, mox autem, frigentibus extremis, cum inquietudine corporis et motibus conuulsivis, altera hora post decessit, in cuius cadauere iecinoris pars dextra, qua costas spectat ad trium vnciarum Bononiensium tractum alte erat lacerata, Nec non a SCHAARSCHMIDTIO ⁿ⁾ adnotatum legimus exemplum hominis, cuius latus dextrum equus ita valide arbori appresserat, vt confusio et sugillatio ad quintam sextamque costam fiat magna conspiceretur, hepar vero medio plene fissum inueniretur, vt cito inde enecaretur. ^{o)} aliud rustici hominis, ab arbore cadente percussi, in cuius hypochondrio dextro praeter magnam ventris intumescientiam atque duritiem, a sanguinis effusione prouenientem pariter animaduertebatur sugillatio, costae septimae fractura, atque hepatis fissura, per omnem mediam substantiam transiens, itidem breui letalis. Addimus tandem casum, studiose expositum, quem debemus STRUVIO ^{p)} pueri septennis, qui plaustro adhaerens, eius vero celeriore motu resolutus, supinus cadit, insequentis currus equis implicitus, quibus tamen mox ereptus, sine sensu protinus extinguitur. Nec hic quidem externae laesionis indicium occurrebat, pauca tantum stigmata sugillata in regione cartilaginis ensiformis detegebantur.

m) Lib. cit. p. 130.

n) *Medicinischer und chirurgischer berlinischer wöchentlicher Nachrichten erster Jahrgang 1738. p. 38. Berlin 1742.*

o) Loc. cit. p. 75.

p) *Commerce. litter. Nor. 1740. p. 411. Repetitam eandem historiam accepimus a SCHAARSCHMIDT. Lib. cit. dritter Jahrgang. p. 325.*

bantur. In dissecto corpore praeter luxationem vertebrae secundae, quae lethalitatis causa ineuitabilis est habenda, *hepatis viscus se obtulit ruptum in dextro lobo maiore, sponte simul separata notabili portione instar nucis iuglandis, quae conquassata et contrita penitus erat.*

Haec sane documenta periculum, cum visceris egregii vulnere coniunctum, satis docent, nec mirabitur aliquis, qui fiat, ut breui temporis spatio ex sanguinis effusi in viis suis defectu mors praeceps eueniat; mirabitur autem utique, si non obstante eiusmodi enormi laesione vitam per aliquot dies superfuisse intelligat et quidem sine symptomatibus, quae graue vulnus factum esse, moueant suspicionem. Occurrit tamen mihi obseruatio, quam candide referam. En! Adultus homo, triginta et ultra annorum, tempore nocturno, erat autem aestas, ex caupona rediens, crapulae plenus, nec satis attentus, in fossam, sedecim et ultra pedes profundum, decidit in terram, mollem et magis paludosam. Is, dum non animaduertitur et per aliquot horas ibidem sine auxilio commorari cogitur, matutino demum tempore clamore suo, eoque obtuso, vicinos praetereuntes allicit, qui eum ita iuuant, ut viuum, dolentem et lugentem extrahant, seruent et domum abducant. Medicus hic aduocatus nullam, adhibita licet solerti disquisitione externi corporis noxam se detexisse confirmat, larga tamen venaesectione, enematis atque abdomini superhabitis fomentis misero succurrit, tenuemque ipsi dietam praescribit. Haec omnia ea quoque cum felicitate suscipiuntur, ut mox ad se redeat aeger, subinde tamen sopore afficiatur, reficiatur iterum, excitatus quasi ex profundo somno loquatur, mente sibi constet, ad quaestiones propositas apte respondeat, cibum sumat, de dolore nullo conqueratur, pulsum etiam viuidiorem ac pleniorum recipiat, usque dum, ante nec animaduerso ventris tumore aut duritie, nec externo quodam liuore conspicuo *quarto demum die*, subito, tranquille tamen vita defungeretur. Quo facto, breuissimo interceden-

te tempore, abdomen cepit intumescere et pene durum reddi. Altero post mortem die, cadaueris inspiciendi causa, accersitus, inueni ventrem admodum tumentem, nec non dextri hypochondrii liuorem, qui, quum a maculis, quas a stagnante cruore post mortem hinc inde dispersas obseruamus, differret, suspicionem mouebat, in subiectis partibus laesionem esse debere. Prouida ea propter ad hanc rem inquirendam facta abdominis dissectione, mox sub peritonaeo, supra et infra omentum, immo in eius laminarum interstitiis, quae per omnem anteriorem ventris superficiem erant expansae, magna detegitur cruoris, extra vasa missi, quantitas, maximam quidem partem fluidi, ex parte tamen coagulati et grumosi. Is autem praecipue sanguis ex coagulatis constabat moleculis, qui inter vtramque omenti laminam continebatur, et qui per aperturam, quam foramen naturale WINSLOVIVS appellat, ingressus esse videbatur. Diffusa quoque sub omento sanguinis pars, vtut copiosior, intra gyros tamen intestinorum non penetrauerat, sed pene omnis in peluim collecta fuerat. Effluente itaque teneriore sanguine et remoto coagulo, in omni intestinorum tractu nec praeternaturalis status detegebatur, nec, vnde haemorrhagia prouenerit, satis intelligebatur, vsque dum, hepate ad anteriora leuiter et cum sollicitudine reclinato, in lobo eius maiori, illaque sub diaphragmate et hypochondrio dextro recondita parte, fissura detegeretur, quae a posteriore loco oblique antrorsum ad marginem acutum vsque progrediebatur sic, vt ipsius hepatis substantia multum distaret et ad digiti transuersi latitudinem prorsus hiaret. Penetrabat autem fissura ad interiora et inferiora pene, vt magna sanguinis profusio ex tanta vasorum copia laesa prouenire debuerit. Hanc quoque ecchymosin enormem vasorum maiorum vacuitas, cordisque ipsius flacciditas confirmabant. Inter integumenta communia et musculos neque sanguis effusus inueniebatur, nec vel tantillum costae male adfectae cernebantur. Tandem nec in capite, quod a naturali secedat statu, quidquam obseruatum est.

Nunc

Nunc eos praecipue, qui medendis morbis, vehementioribusque eorum effectibus tollendis suam dicant operam, non parum sollicitos reddit vera eiusmodi factae laesionis diagnosi, cui superstruatur conueniens medendi methodus, quam tamen, dum in foro quoque de illa exponendum est, necessariam reddit et recte dignoscendus laesi status et rei vel laedentis inde diiudicanda culpa. Ea enim, quae vulnerati iecinoris signa esse voluit *CELSVS* ^{q)} nempe *multus sub dextra parte praecordiorum profusus sanguis, ad spinam reducta praecordia, in ventrem cubandi dulcedo, punctiones doloresque, usque ad iugulum, iunctumque et latum scapularum os intenti, quibus etiam nonnunquam biliosus vomitus accedit*, in nostro casu aberant omnia, vomitus nisi forte aliqui ab initio mox accesserint, nulli, sola quaedam anxietas, in somnum procliuitas, et subito ex *κενειαγγελία* placida mors. Facilius utique malum discernitur, si notae quaedam exteriores occurrunt, quae impressa violentiae externae indicia suppeditant, costarum scilicet depressio aut fractura, integumentorum ac musculorum vulnera et dilacerationes, aut saltem a stagnantibus humoribus excitatus lior, vomitus, deiectiones biliosae aut similia phaenomena: tunc enim, externae iniuriae sequelas iecur quoque attigisse, nulla dubitandi ratio superest. Si porro his iungatur consueta symptomatum caterua, quae febre sensim aucta, tandemque furente, inquietudine, iectigatione corporis, deliriis, cum oris siccitate, siti et dolore fixo stipatur; si deinde ab effuso sanguine ventris tumor enascitur et durities, quae fluctuantis subtus humoris signa referat, tunc luculenta veri status redditur diiudicatio. Posset quidem de eo dubitatio enasci, num vera fiat fluctuatio, quod partim tam ampla sit ventris cauea, quae magnam sanguinis copiam recipere valeat, ut protinus non percipiatur, siquidem sanguis, extra receptacula sua missus, facile pronus ad coagulum, minorem spatii partem compleat, partim etiam, quod tanta sanguinis quantitas sine

B 2

subita-

subitaneo periculo nequeat effundi: at, quoniam ad anteriorem ventris partem sanguis dirigitur, parum certe, id iam egregie demonstrante GARENGEOT^{r)}, in intestinorum gyros, praecipue viuento adhuc laeso, penetrabit, hinc studiose perquirentem effugere fluctuationis indicia non poterunt, vti a nobis supra est adnotatum.

Interim vehementer dubitamus aut potius pernegamus, similem visceris laesionem periculo destitui, immedicabile sane malum est, quod docta plus valet arte. Pleraque allata exempla, mortem subito sequutam fuisse indicant, si protrahitur illa, aliae subesse debent caussae, difficulter detegendae. Puerum quidem HIPPOCRATES refert^{s)} a mulo percussum ventre et hepate, quarto demum die obiisse, verum tamen num illa mors, a vasorum rixi et viscerum ruptura, vt arbitratur BLANCHI^{t)} num ab inflammatione demum accedente, vt cum GALENO sentit FOESIVS^{u)}, adstipulante VALLESIO, quem MORGAGNIUS citat^{x)} qui a sanguinis effusione citissimam mortem futuram fuisse iudicat, prouenerit, adhuc lis esse videtur. Sed, si de eo, quem recensuimus, casu differendum est, in quo pariter quarto demum die mors insecuta est, nulla sane inflammationis internae vestigia occurrebant, nullaque eius orientis symptomata. Num forsitan haemorrhagiae, tardius lethalis, aliqua ratio in vasis huius visceris quaerenda sit, aliis diiudicandum relinquimus. Arterias, etsi non paucas, tamen non adeo magnas, praecipue in superiore parte accepit hepār, quo etiam in loco venae portarum ramificationes tenuiores atque angustiores inueniuntur, in quibus sanguinis progressum tanto, ac alibi, cum impetu non fieri compertum est: arterias porro ruptas minores se sensim contrahere aut thrombo obturari

r) Memoir de l'Acad. de Chirurg. I. c. p. 118.

s) Epidemic. Lib. V. Sect. VII. pag. 1151. ed. Foef. Francof. 1621. fol.

t) Hist. hepat. P. III p. 449.

u) In adnotat. ad I. c. HIPPOCRATIS p. 1152. 39.

x) Loc. cit. art. 15 p. 130.

rari seimus, venas parum et lente pluere. Accedit etiam, quod iste laesus, ex sanguinis retardatio in vena portarum progressu non raro haemorrhoidibus fuerit ea iam aetate vexatus, ut itaque in quiescente homine et soporoso, cui sanguinis pars ex venis fuerat detracta, euacuatio contingens successiva, mortis videatur retardasse periculum. Parum tamen cum iis facimus, qui ex abdominis punctura aut incisione et sanguinis per vulnus emissionem levamen esse futurum arbitrantur, quod nulla in locum adfectum redundat utilitas. Abscessus sane, lente factos, ad externas sedes delatos, maturatos, apertos, perfecte persanatos fuisse constat, quales autem in tanta visceris violenta destructione expectare, aut cum aliqua spe euadendi fieri possint, nec hariolari quidem valemus. Totius quidem, in vnum conspirans finem naturae labor minorum vasorum labem, magis, si lente fiat, refareit, non organorum maiorum plenariam corruptionem.

Imitatus est naturam, et ad communem sua studia ut dirigat utilitatem, annis est nunc commendandus

VIR CLARISSIMVS ATQVE DOCTISSIMVS
IOANNES GOTTFRIED FLEMMING,
MEDICINAE BACCALAVREVS DIGNISSIMVS

qui in addiscendis, ad medicum utilem pertinentibus doctrinis ea versatus est cum laude, ut praemiis virtutis, ad vltiora incitamentis, merito sit condecorandus, id, quod ex vitae, pro more recensendae curriculo intelligetur, quod ab ipso nobis traditum inserimus:

Est prope Sangerhufam pagus Oberröblingen, in quo anno huius seculi quinquagesimo die vicesimo tertio Sept. natus sum, patre IOANNE EHRENFRIED, moliturae architecto viro probò honesto, matre MARIA ELISABETHA, nata HEINROTHIA. Genitore post quatuor circiter menses mortuo, mater optima educationem filii vnici, ex matrimonio sibi optatissimo geniti, curae, cordique habens, Arteram comitatus Mansfeldensis oppidum, in quo eius familia florebat, rediit; sed vix

anni sex praeterlapsi fuerunt, quum et ipsa mortalium omnium subiret fatum. Parentibus optimis morte praematura nunc orbatus, educatione prospera atque felici fructus non sum; interim cura praeceptorum accuratiores non destitutus, cum HALECKERO schoeae collegae infimo et sacra istius curante, religionis christianae fundamenta litterarumque primitias, BEYKERTO, Cantori, et imprimis LIPPIO artium magistro, tum Rectori, nunc apud Schoenfeldenses verbi diuini ministro, vltiores in litteris debeam progressus, didici ea, quae ad litterarum cultum ampliorem sunt necessaria, Chirurgiae manualis instructioni fere coactus nunc traditus fui; tandem Lipsiam anno huius seculi sexagesimo nono adii, vbi commorans, vitae tempus peractum pensitans, et viri venerandi DE BRAVN ecclesiae arterensis Archidiaconi, maxime religiosi, monita, ad sequendum studiorum tramitem, olim ab eo accepta, in memoriam reuocans, artis asclepiadeae studio me dedi. Studio linguarum repetito anno subsequente die Maii vicesimo secundo ab ILL. D. BELIO, Consiliario aulico, fascis academiae tum gerente, in ciuium numerum receptus sum.] Philosophiae doctrinas ab Ampl. GARVIO vero philosopho; logices practicae praecepta ab Ampl. ZEYONIO; institutiones matheos et purae et applicatae, ab Excell. BORZIO; physices et theoreticae et experimentalis partim a b. HAVBOLDO, partim ab Exper. LVDWIGIO accepi; quibus pro eo, quem inde percepi, doctrinarum fructu, maximas refero gratias. Praeclariss. WENKIVM in tradenda historia vniuersali; S. R. ERNESTIVM Ciceronis de officiis libros explicantem; Ampl. CLODIUM Plinii et Ciceronis epistolas, orationes et Salustii historiam belli catilinarii dilucidantem secutus sum. In historia philosophiae et reformationis S. R. BVRSCHERVUM audiui. Illis igitur scientiis, quae ad addiscendum altiusque excolendum medicinae studium pertinent, praemissis, scholas doctorum nostrorum illustres adii: Magnif. b. LVDWIGII, institutiones botanicas, et theoriam de febribus inculcantis, auditor fui. Magnif. PLAZIVM morborum inflammatoriorum venereorumque curam et medicinam forensam docentem, arteque disputatoria me exercentem beneuolum habui praeceptorem. Excell. POHLII, Senioris facultatis grauissimi, lectionibus anatomicis et pathologicis interfui, qui quoque copiam cadauerum secandorum mihi fecit. Excell. BOSIVS, praeceptor optimus atque fautor, ob eam, qua semper erga me vsus est benignitatem et beneficentiam nunquam satis memorandus anatomes et physiologiae elementa, nec non medicinam forensam me docuit; copiam aegrorum in nosocomio visendorum mihi fecit, atque in collegio

collegio examinatorio disputatorio optime me exercuit, Excell. KRAV-
 SYM, fautorem, ob eximia benevolentiae documenta, omni pietatis
 cultu prosequendum, in pathologia, therapia generali eaque speciali, ut
 et in chirurgia praeceptorem habuisse optimum, laetus commemoro; cu-
 ius quoque scholis osteologicis et praelectionibus de inflammatione, de
 morbis oculorum, et infantum optimo cum fructu usus sum. Excell.
 GEHLERVS artis obstetriciae praecepta perspicue mihi tradidit. In Exp.
 HAASII scholis anatomico-physiologicis atque demonstrationibus anatomi-
 cis non parum profeci. A. b. REICHELIO artem fascias chirurgicas
 applicandi didici. Exp. RIDIGERVM in tradendis diaetae praeceptis et
 proponendis chymiae purae dogmatibus, audiui. Exp. POHLIVM jun.
 non solum elementa botanices proponentem, sed etiam excursions in
 agros facientem secutus sum: eiusque erga me benignitatis specimi-
 na grata mente agnosco. Exp. PLATNERI praelectiones physio-
 logicas, de materia medica, atque de sede animae frequentavi. Exp.
 BOERNERVS methodum morbis venereis medendi mihi proposuit. Exp.
 denique LEONHARDI jun. multa debeo, non solum ob doctrinarum
 cultum, ut pote cuius praelectiones in materiam medicam, pharmaciam,
 artem formulas praescribendi et chymiam theoretico experimentalem, nec
 non exercitia examinatorio-disputatoria, per quam utiles mihi fuerunt;
 sed etiam ob singularem, qua me semper amplexus est, benignitatem.
 Baccalaureatus immunitatibus Ordinis gratiosi consensu, anno huius seculi
 septuagesimo tertio mense Iun. impetratis, mense Oct. lectiones pro licen-
 tia, summos in arte medica petendi honores, de *Sanguinis origine et fon-
 te* recitavi. Anno vero nuper elapso mense April. examen practicum susti-
 nui; quo peracto Licentiam cathedram medicam ascendendi a Gratiofo
 Ordine obtinui.

Chirurgiae et artis obstetriciae manualement acquiritur causa Argenti-
 nam iter suscepi; ibique Ill. SPIELMANNVM, chemiae dogmata expe-
 rimentis illustrata tradentem audiui. Exper. LOBSTEINIVM vero,
 corporis humani fabricam e denatorum corporibus demonstrantem, secu-
 tus, silentio praeterire non possum dexteritatem illius in reuelandis fabricae
 subtilioris partibus atque in instituendis operationibus chirurgicis, in qui-
 bus cum eum sequerer, humanitatis quoque eximiae erga me percepi testi-
 monia, quippe cum manu mea, vel minus recte agente vel aliquando va-
 cillante, melius uti me docuerit. Excel. ROEDERERO autem plures
 ob rationes referre me oportet gratias. Elementorum enim artis obstetri-
 ticiae, quam profitebatur, manuali operatione probandorum, cum in do-
 mo

mo obstetricia, tum in vrbe nec non extra urbem, mihi fecit copiam; morbis grauidarum et puerperarum medendi methodum quotidie videndi mihi praebuit occasionem. Denique singularis beneuolentiae immo amicitiae eximia mihi dedit specimina. Exper. EHRMANNVS aegros in nosodochio ciuili visendi exhibuit mihi licentiam. Praecl. le *Risch* morbos chirurgicos in nosodochio militari curantem quoque secutus sum.

Lipsiam redii summos in medicina capeffendi honores causa, quo dein, in patriam redux, deliciis, quas vita academica mihi comparauit, ciuium sanitatis curam gerendo, quantum Deus T. O. M. cui omnia deberi quiuis mortalium fateri oportet, vires largitur, uti fruique possim.

Hos etiam honores, consuetis exhibitis speciminibus, utique laudabilibus, mereri Cl. Candidatum, confitemur, quare illi cathedram adscendendi copiam fecimus. Dictus est huic solennitati dies futurus Veneris, secundus Mensis Augusti, quo publice a se conscriptam dissertationem, *de Atonia Vteri*, moderante amicissimo collega, D. KRAVSIO defendet. Quibus, rite peractis, pro ea, quae mihi clementissime demandata est, Procancellarii dignitate summos in medicina honores adsumendi Licentiam lubente largiar animo, praemisso *de obesitatis molestiis tollendis* sermone.

Quam quidem panegyrim, si VESTRA RECTOR ACADEMIAE MAGNIFICE, COMITES ILLVSTRISSIMI, PROCES VTRIVSQUE REIPUBLICAE GRAVISSIMI, praesentia, quam obsequenter exoramus, ornare non detrectemini, et Vestra COMMILITONES GENEROSISSIMI, NOBILISSIMI QVE, frequentia exoptatissima sustentare placeat, quos obstrictos tenetis, gratissima nos mente habebitis deuinctissimos. Id, quod mei Ordinis, meo et candidati nomine enixe precor. P. P. Dominica post Festum Trinitatis VIII. A. O. R. MDCCCLXXVI.

L I P S I A E

EX OFFICINA IACOBÆERIAE

